



59594

III Mag. St. Dr.

Franc. Jos.

Colossus ignibus se-

raphicus refulgens.

Feol. 5089.



COLOSSUS

Ignibûs Seraphicis
REFULGENS,
D.BONAVENTURA,
DOCTOR SERAPHICUS,

S. R. E. CARDINALIS,
ARCHIEPISCOPVS ALBANEVS.

Redeunte Annua suæ Solennitatis Die,
In Basilica *Thaumaturgi* FRANCISCI
Celeberrimi Conventûs Cracoviensis,


A
M. FRANCISCO IOSEPHO
DOMANIEWSKI.

*In Alma Universitate Crac: AA: LL: & Philosophiæ
Doctore ac Professore,*



Panegyrico Cultu
CELEBRATUS.

Annô, quô
Altissimus humanam sublimavit naturam 1727.
Die 14. Julij.



CRACOVIAE.

Typis Hæredum Francisci Cezari, S. R. M. Illustr: ac Rndissimi Dñi Episcopi Cracov:
Ducis Severiæ; nec non Scholarum Novodvorfianorum Ordinarij Typographi.

In Gentilitium Insigne

PERILLUSTRIS & REVERENDISSIMI
D O M I N I.



Anglis pulher EQVUS visu, titulis generosus,
Sarmaticis Campis nunc salit, & fit ovans.
Fortunam ex Tabula ludi citus evehit almam
Ut Patriam ditet sorte favente beet.

59594

III

PERILLUSTRI & REVERENDISSIMO
DOMINO,

D. ADAMO,
SIGISMUNDO

De Stanwicz

KRECYK

Ecclesiarum Cathedralium;
Piltinensis & Livoniæ CUSTODI,

PRÆMYSLIENSIS CANONICO,
Parochialis in Tczycæ Curato &c. &c.

DOMINO, DOMINO,
Mecænati suo Amplissimo.



*Mimentiam Colossi Seraphicis ignibus Re-
fulgentis BONAVENTURÆ Divi-
nissimi, quæ Cælo conterminam obeliscorū
Ægypti excedit molem, non potuit altius
exigua mea extollere svada, quàm dum ad
constantem Gentilitiæ Fortunæ Tuæ stabili-
vit sinum. PERILLVSTRIS & RE-
VERENDISSIME DOMINE. Ruunt etenim, nec mo-
dum, ut subleventur, habent, etiam prodigiosa Mundi opera,
quibus Prænestina Dea, instabile favoris sui fundamentum po-*

(a)

nit,

nit, ut in publica statuatur luce, Sarabandæ Tabula stabilior est, in qua quidquid situatur nullo ruentium undiquaq̃ procellarum impetu commouetur, æternitati duraturum. Vna gēte gloria Domūs Tuae non contenta ferme in totum diffunditur Orbem. Circumducta Anglia Oceani portu in Baronum Domo genuit, ipsisq̃ immortalibus factis educavit peruetustum Sarabandam Tuam, Regibus domesticum, imò in pectore totam, Republicæ amicum, in campo militari fortunatum cum viderit, Principes honores paravit, & conferret non invita, ni eum Bohemia, totūq̃ Imperium evocasset (a) ex eo Scipionem belli & hucusq̃ decus satū & gētis suæ gloriā habiturū. Quatiebat Gentilitius Sonipes unguā arenam Bellonæ; in qua currendi eum non alia traxit cupido, nisi ad metam victoriæ, alio tramite incedere non visus, nisi per ardua quæq̃ infensas hostium cervices conculcando. Ad constantem Sarabandæ Fortunam nunquam fortunatus hostis, quoties in arena steterit vel Tubarum classicō perterritus, quibūs vocale **KRECZYKORVM** per orbem divulgatum nomen, vel Virginis Gentilitiæ pulchritudine captus cecidit in spoliū. Ludendo vincere hostem **KRECZYKOVIIS**, & ad calculum numerare triumphos, proprium est. Ex quibus primus in paginam venit Illustris ac Magnus **ELIAS KRECZYK** Generalis Exercituum Imperij, qui & nomine & Mavortio spiritu fulmen hostium credebatur. Armorum omnium pondera & Viros bellaces in se uno gerebat; Dux Milesq̃ bonus, cui vix secula parem dabunt. Tanti merita Viri & Herculei labores Equitatūs honore Sacri Romani Imperij & magna bonorum possessione in Silesiæ Ducatu coronata à Rudolpho, (b) ut sic præmium honoris, quietem faciat fatigato, aut eum celerius impetibus hostium occurrentem. Evehitur è sepulchrali cinere Magnus **ANDREAS** de Stanwicz & in Mokre **KRECZYK** Pocillator terræ Dobrzynensis fudex Terrestris

(a) Annō 1345.

(b) Annō 1573.

stris & Bitoniensis AVUS TUUS meritissimus, tam sagô indutus
inter mille fortes nescius vinci, quàm Togâ conspicuus, Aristides
prudentiâ, Catones gravitate, si non superavit, adæquavit. Quo-
ties in Areopago sedit, ita lancem moderabat Astreæ, ut singula
ejus judicia futura sint posteris exemplum, maturè omnia statu-
endi. Quotquot decreta formavit, formam in omnibus rectè
judicandi servando, secuturis post ætates Arbitris reliquit. Locò
coronæ pro meritis galeam contra hostes induibat. Hæc manu,
quâ sibi & nepotibus suis famam perennaturam calamò Pande-
dis inscripsit, gladium Martis prensabat, ut sic victor in ævū
triumpharet. Annorum numerò, non magis gravatus, quàm me-
ritis, officiò Judicis Annis 40. functus, titulò Baronatûs Sacri
Romani Imperij fungitur, à Leopoldo Imperatore (c) suis he-
roicis actis & succedaneæ **KRECZYKORVM** Familie
surrogatò. Multorum bonorum hæres è vivis excessit, amplio-
rem hæreditatem in Cælis possessurus, eorum in terris IOANNEM
GEORGIUM de Stanwicz & in Mokre **KRECZYK**
Ensisferum Zytomiriensem Parentem Tuū dignissimum fecit suc-
cessorem, suarum virtutum sorte legitima superaddita. Fortis forti
creatus, non ignarus à gnaro, non imbellis à bellicoso progenitus
Viro, Paterna probitate Magnus, non minor gestis IOANNES.
Alemania eum cunis involvit, in ampla possessione educavit. fortu-
na, natus sanguinis circumdedit splendor, fortem & Bellato-
rem Virum Gentilitius **SONIPES** Sarmaticis intulit Campis,
ex illis immortales gloriæ palmas collecturum. Cum peritia lin-
guarum propè omnium, quarum idiomata optimè novit, natus esse
credebatur, quod alijs vix audire concessum, non tamen callere,
dicere potuit delectando, & in stuporem rapiendo, quòd in uno
capite omnia complederentur. Alias præcellas animi dotes ipsa
fama alata, etsi suis immortalibus pennis copiosis inscribat fastis,
adhuc tamè vocalibus **SARABANDÆ** Tubis, toti Mundo divulgat,
ut clariùs audiantur. Quòcunq; procedebat, vel sibi triumphæ-

(a2)(

les

(c) Annò 1691.

les in trophæa accenderat ignes, aut victrices è vestigijs ejus pullulabant laurus in coronamentum exantlatis temporibus abiturae. Quocunq̃ steterit contra hostem, vix viderit, vicit ita, ut etiam victis ab eo vinci esset triumphale. Capitaneatus primarius militaris Germanicæ Equestris legionis Illustissimi olim ac Magnifici Domini Martini Kacki Castellani Cracoviensis, protunc terrarū Kijoviae Palat: Generalis Artilleriæ Regni Supremi Præfecti non immerito ei cessit, qui primò & ad prælia, & ad victoriam prorumpebat, unus castra faciendo. Bellicæ; Camenecensis, Zoraviensis, Bukoviensis, Budziacensis aliæq̃ plurimæ expeditiones Achillem fortissimum testantur. Othomanica Luna cornua sua ad occasum inflexit feralem & gravem passa ecchypsim, cū ei Mavortium suum opposuerit vultum. Tartarorum Sarissæ, arcus exitiales ad interitum Aquilæ Polonæ extensi, tunc attenuati, ubi ille Sonipodem suum illis opposuisset, & victricis Fortunæ suæ manu contrivisset in arcus triumphales suo Domitori Sinuandi. **IOANNES III.** cum tota Serenissima Republica Polona, pro cuius integritate in medios ire Satellites, vitam exponere fatis, & pectus telis non trepidabat; de speciali sua gratia, & annuentibûs universis statibûs Regni Magniq̃ Ducatûs Litvaniæ prærogativis (d) Indigenatûs tot hostium Victorem coronavit, capacem omnium honorum utriusq̃ Gentis cum tota magna Familia per seras ætates duratura autumavit. Non suscito Manes; Magnificum olim **GEORGIUM KRECZYK** Fratrem Avi Tui æstimandum Marschalcum Supremi Ducis Exercituum Ioannis Sobieski, cui quoties præferebat Scipionem, ipse Scipio infractus, toties meritis & armato fortitudine pectore contra hostiles impetus præire videbatur. Contulisset ei primos Regni honores Coronatus Ioannes in adorem, ni prius ille fatis cessisset. **IOSEPHUM KRECZYK** Iudicem Terrestrem Bitomiensem Majorem Sacræ Regiæ Majestatis, Germanicæ Heroû Cohortis, Patrum Tuum, qui & Themidis & Martis gladiò fuerat fortissimus Hector. **Nicolaum**

(d) Annò 1685.

laum de Dembiany Dembiński Iudicem castri Becensis, Ca-
merarium Granicierum Prossovicensem, Genitricis Tuae Pa-
rentem, qui quidquid fecit in vita, & in Areopagu; tam Be-
censi, quam Cracio tempore Interregni Capturalis Iudex, supra
calamum est. Ioannem Dembiński Camerarium & Vicepa-
latinum Xiaznensem Avūculū Tuū, ore & calamō pro Patria di-
sertum, ore multoties Legatus tonabat Pericles, calamō Librum
Sermonum Comitialium pro suo honore perorantem fecit. Adau-
get vivis famā meritīs Magnificus Paulus de Stanwicz KRE-
CZYK Iudex Comitatum; Plesnensis & Bitomiensis Patruus Tu-
us Vir scientiūs & maturō iudiciō præditus. Ex Ternione Fra-
trum non minorem sortem gloriæ habes. Primum Andream
Majorem Exercituum S. C. M. Generalem curæ publicæ & du-
xi pro Patria labores gloriosum, in ævum facere. Dux erat ille
Ducum unō ictu Patriam defendens, virtute cuncta adversa vin-
cebat, in se uno omnia bellorū præparamenta præferendo. Ruebat
impiger iurato pectore Marti in omnem hostem Heros, nullō supe-
rabilis, stricō ferrō ampla Turcarum prostraverat castra. Gallo-
xū Lilia audaci manu in corymbū suæ emeritæ frōti decerpit. Sub
Belgrad in conflictu generali occubuit, cupressumq; retulit fera-
lem, sed ex ea immortalem palmam habiturus. Excrevère in Io-
sepho Andreæ virtutes, merita maturescunt, copiosum ma-
gnæ KRECZYKORVM Domui fructum allatura. Aquiliferi ti-
tulō gaudet S. C. M. ut non degener Aquilæ Polonæ pullus creda-
tur. In una arena cum Fratre hostem profligavit, simul reporta-
vit triumphum, sub ejus labaro ipsa meretur stipendia virtus, cui
nihil gloriosius est, quam IOSEPHO KRECZYK militare. Læ-
tatur Bellona, quòd tantum possederit virum, cui ipse Gradivus
succumbit. Evolavit supra calami celeritatem Michael sub um-
bra magnarum alarum Aquilæ Claromontanæ Virginis quiescens;
Palmā Pauli pro meritis coronatus. In arena erudita Craciæ Pal-
lados ad metā profect⁹ currebat, in Claro Mōte cursū terminavit, ut
sic expolitus pulvere Scholastico aut emineret clari⁹, aut lucem

sapientiae suae exhiberet. Prothasim ex Majoribus Tuis, Fratribusq; Fortunae Tuae vide, Tu ipse Apodosis esto, Perillustris & Reverendissime Domine. Circulus anni, qui Te cunis involvit Fortunae rota dicendus. Arena viventium, quam calcasti puer, Gangetica appellanda. In tenera aetate illa gravitatem praeferebas, quam ipsi anni temerare non ausi. In sobolescente sanguine magnam spem Parentibus & Aris remonstrabas. Sciebas Musas Coeli Filias in amoenis floribus hospitari jucundissime, quae tantò gratiores extiterant Tibi, quanto Divinis earum fontibus uberius studiosam applicuisti sitim. Felicius se non vidit Olomucium, quam dum Fasciculo Florum illius roseum aetatis Tuae Tyrocinum admovisti, & ita inter luventutis maturuisti flores, ut senili constantia excelleres omnes. Currebas per scholasticum campum, nunquam Stationarium agens, ad luctum alios evocabas fortissimus Alcides, ad finem gloriae collimando. Quoties subtilem demonstrabas carmine Vatem, exanimes bustis Marones more insolito suscitabas. Quoties mare Tullianum propinabas, ipse Tullius, quem Roma stupebat, credebaris redire. Quoties argumenta promovebas in filo, solvebas dubia, ut animos ligares. Quidquid Angelicus de Trino Numine sensit Aquinas, aut Augustinus scripsit, sedula illi inq; mente profunde percepisti. In Collegio Caesareo-Pontificio Congregationis Visitantis Mariae Rector ad exemplum Te alijs rexisti, Matris DEI honorem zelosissime promovendo. Marcescunt alii Laureae, antequam maturecant, Tuam frontem Doctoralis exambivit Corymbus ab effuso sudore vigorem habitura. Defensionibus duarum Conclusionum publicis in publicam Tuae sapientiae aestimationem magnam Hospitum coronam provocasti. Laborem Tuum Szembecianae Rosae, dum primum Stanislai à Słupow Primatis Regni, secundum Ioannis Christophori Varmiensis Ducis & Episcopi consecrasti Nominibus, coronarunt, Teq; Victorem fecerunt. Hinc Craciam advenisti Urbem hospes non ingratus Illustrissimo olim & Reverendissimo Domino MICHAELI à Słupow SZEMBEK Episcopo Paphensi
Suffra-

Suffraganeo Cracoviensi, qui Te lateri & pectori admovit, imò
arcanorum conscius fecit. Tandem Te Cracio Horizonti Hesper-
ius advocavit. In Sapientiæ Romanæ Archibycæo stupebant nonni-
si Professores celeritatem ingenij Tui, non capiti quidquam addi-
derunt. Impallescebas Legum Voluminibus, capite eorum Biblio-
tecæ gerens, versabas Canones, ipse canon virtutum factus. Ru-
bricam audivisti de beneficijs pro gratitudine referendus; in Pro-
cessu Iudiciario, quomodo procedere ad Honoris fastigium virtutis
tramite, quomodo appellare à vitijs, praxim jam habitam perfec-
isti. Inde sapientiâ clarus, consiliò promptus, gravitate maturus,
moribus nationum gravis, quas lustrasti Lynce pupilla, in Patriū
solum reversus Celsissimo ac Illustrissimo Domino Io-
ANNI CHRISTOPHORO SZEMBEK Varmieni Episcopo &
Duci totius adfuiisti, in Tribunali Radomiensi, cum officiò Præ-
sidentis fungeretur, particeps & pars mentis Præsuleæ fueras.
In omnibus Comitijs Comes Principis extitisti, non sine Tuæ glo-
riæ comitatu. Applaudit Tuæ Fortune Honor, ut emeritæ virtu-
ti in stipendium cedat. In limite Regni Custodiam Cathedræ Pil-
tinenfis & Livoniæ tenes, illimitatè ad altiores Honores pro-
gressurus, invigilas Custos, ne Oves ex alieno ovili sordida hæresi
inficiant hædi. Stallum præoccupas in Præmysliensi Cathedra de-
cus illius Canonicus, omnibus par meritis, æstimatione non minor.
In Tczycæ Curatus, in curam Animarum & Ecclesiæ animum
salutemq; impendis. Sub Te centoculo Argo difficilis vitijs ad ovi-
le accessus. Ad Tuam irretortam pupillam omnia scelera excæ-
cantur. Persistit pœna in meritis Tuis, Illustrissimas Magnarum
Familiarum Ceras attonita miratur. Videt hic Illustrissimū
ac Magnificum Dominum MICHAELEM de Tar-
now TARNOWSKI, Castellatum Siradiensem Avunculū
Tuum, Senatorem non minùs seniō, quàm meritis gravatum, au-
dit gratō susurrō fluentem, ex Matre Avia Tuæ OTVI-
NOVSCIORVM Srzeniavam, Maternam Virgi-
nem DEMBINSCIORVM Ráwicz, ad metam glo-

*riæ currentem, triumphalem Pankorum Osmorog Avia
ex Patre decus veneratur. Circumdant Splendoribus suis nati-
vis Tuos Splendores SZEMBECH, Piegłovscij,
Uieyscij, Grotovij, Poniatovscij, Lipscij, Zba-
rascij, Lankoronscij, Kaccij, Rupniescij, Za-
ćwilihowscij, Celarowij, Suleńscij, Braniccij, Wy-
branovscij, Straszevscij, Borkovij, Trzebińscij,
Bełzeccij Starowieyscij, Moszynscij, Dobieccij,
Paczyńscij, Gawłowscij, Opaccij, Tymieńscij, Rab-
sztyńscij, Kochańscij, Sławinscij, Makowieccij,
Kamienieccij, Pruszyńscij, aliaq; Orbis Sarmatici sidera,
cum quorū unita virtute clariùs refulges. Quare ad hæc lu-
mina collecta DOCTOREM Seraphicum exigua pa-
gellâ TIBI offero, Hic de TVIS meritis Orbem erudiat u-
niversum, ego voveo ut prosperis Magnorum Honorum
affluens successibûs, quantocius consistas in ange.*

PERILLUSTRIS & REVERENDISSIMÆ;

DOMINATIONIS VESTRÆ

Humillimus Servus &
obsequentissimus Cliens

Author Operis.



ORATIO.



Haetontem aut Icarum forsitan judicabitis AA. qui in sublime encomiorum DOCTORIS SERAPHICI BONAVENTURÆ culmen, temerario ausu progredi volareq; contendit. Affinis enim est Superis BONAVENTURÆ altitudo, humana capita excedit, & in primis tentamentis Rhodū ponit dictioni. Supra ingenia Orationum elevata Ejus gloria, Cœlō Genus dicendi natum, ut veniat, exposcit. Non unō Sæculō defudant Laudatores, ut quidquam vocali famæ, tanti DOCTORIS consonum, in publicum prodant, sed cū in Cardinalitiam Rotam incidunt, ceu Sisyphi volutantes saxum, ruunt vertiginem capitis patientes, nec metam encomiorum attingunt. Vno pollice gestare Mundi machinam, ne ruat, facilius Atlanti, quā CARDINALEM Divinissimum mortali lingvā celebrare. Facilius stillatim Maris Euxini numerare lymphas, quā Ejus Cœlo receptas virtutes, aut plenissima æternitate coronatas. Meridianam Principem Planetarum Phæbum

hum indigitare, vel inexhaustum adimplere Oceanum guttâ, idem est, quod amplitudinem BONAVENTURÆ, exiguô palmô metiri. Integro Sole non luminibûs Oratoriis illustrari periodos deceret, Stellâs pro literis à calamo fundi, ubi Primæ Magnitudinis Sidus Seraphici Cœli celebrandum. Si non extra Mundi Orbitam, ultra terminale Herculi fretum indagandi Hortensij, labiis rosas pro verbis fundentes, ut non affecti vercundiâ DOCTOREM Maudeât coronare. Purpurati Arpinates ad Purpuratum pallescunt timentes, ne Sanctimoniâ vitæ, si laudare velint, profanent. Platonum nectar & Isocratum hyblæ amarescunt, quoties Cœlo dulces & Orbi, MINISTRI virtutes prædicare attentant. Atrô sepia vestita colore, si quæ immisceatur Cardinalitiæ Purpuræ, piaculum luget, & in pœnam temeritatis, quòd ausâ denigrare prohibitum candorem, ad pressorium torcular destinatur. Absoluta Eloquentiæ Majestas, ad Cardinalitiam feudatoria Eminentiam, nec libera in animo Oratoris suum dominium exercet. Divite verborum non audet tumescere apparatus, ne Regulam Minoris Ordinis solâ paupertate satiatam præsumat violare. Protensæ auxeses, adeò Regulari Observantiæ fune constringuntur, ut vix eis sensum exprimere, non ampliare concessum. Ornati sermonis fluiditas, alibi suprâ margines Tulliani æquoris exundat, hîc non tam fervente elambitur Sîriô, quàm Seraphicis ignibûs exsiccat. Verùm quanquàm Oratorius hebetatus stylus, tamen ad solidas BONAVENTURÆ virtutes exacuitur; depressa Eloquentia, ad Ejus Eminentiam elevatur. Humilis svada in altum
Tanti

Tanti DOCTORIS eluctari pertimescens, Sera-
phicas alas præsto habet in suppetias. Argumē-
ta in filo ducentur, ubi connexus DEI Hominis
amor cum *Francisco*, Cœlō usq; protendit funicu-
los in Alvernum. Lumina Oratoria si hodie ex-
tinguantur, Seraphicis flammis triumphalis ro-
gus BONAVENTURÆ accendetur in applausum.
Iam ergo spe freta securiori, perge feliciter, quā
cœpisti tenuis facundia. Ne in longo itinere en-
comiorum DOCTORIS aberres, *Francisci* Dextra nō
invium demonstrabit tractum, quæ adjuncta al-
teri fædus certum dicendi pollicetur Oratori. Ad
quadratum Biretum nihil non perfectum dicetur,
ad Galerum Cardinalitium nulla non rotunda pe-
riodus formabitur. Culpam pro ausu temerario
non vereare, quod CARDINALEM venerari præsu-
mas, cū ab ea, Albanensi Archipræsulea Cruce
ablolvaris. Fundatus optimè in Divinis scienti-
is BONAVENTURA nutantem animum con-
firmabit in proposito. Non solum purpurā, at
splendoribūs Religionis Eminentissimus, umbras
disperget, & Orationis humilitatem sublevabit.
Proinde BONAVENTURA DIVINISSIMVS Co-
lossus Seraphicis Ignibūs Refulgens à me hodie
exponetur. Supra omnes rerum sublunarium mo-
les consurgis DOCTOR DIVINISIME, qui virtutū
& meritorum altitudine Colossus in Seraphica
Religione superemines Orbi Christiano, Orato-
ris animum confirma, ne cespitet in ulterioribus
encomiorum Tuorum progressibus. Vos verò
AA. Artificio erigendi Colossi inter Seraphicos
ignes Frontis vestræ serenum, opemq; benevolæ
Attentionis non negate.

Stupendæ ingentiũ operum moles, operosa sagaci
mortalium industriâ Colossorũ molimina, spectato-
rem Mundũ pridem in sui rapuerunt stuporẽ. AA.
Quidquid etenim experiẽtiæ industrius artificũ co-
natus in praxi demonstrare potuit, id totum cũ
effuso sudore in sublimibus reposuit Colossis, &
Orbi exposuit ad mirandum. Alij verticibũs
summĩs Cœlorum postes feriebant, alij ære aurõq;
præcelsi, & Pyropõ imitante flammæ, oculorum
aciem convertebant. Decantatæ per Oras & ora
Gentium buccinante famâ Pyramides, ipsâ No-
minis resonantiâ vigiles concitabant aures, & cu-
riosam spectatoris pupillam externo splendore de-
lectabant. Dubitavit Parens rerum natura, nũm
eis parem materiam producere possit? ex qua fi-
erent; sudavit peragrandò terræ viscera, obstu-
puit, cũ invenit. Vidit Orbis & miratus non
minus impendium in sumptuoso Lyndij opere
Solis Colosso, ad cuius non solũ altitudinem
mensurandam, ast unius crassitudinem pollicis,
centimanæ Briariorum dexteræ quærebantur. Re-
posita intus miræ magnitudinis faxa, plũs quàm
mille camellorum onus æris multitudo ab extra
vestiebat. Dubiâ Rhodus volutabat mente ipsum
ne Phæbum? an Phæbi habuerit simulacrum? Hinc
accollis splendor statuæ arridebat, nocte tenebrosa
diem accendens; illinc die Solem, quoties se se æ-
quoreis tollebat ab undis, in medium conscen-
dere Orbem animavit, ut tantæ molis videre
possit, aut venerari eminentiam! Sed quid mihi
cum illis Colossis? quibus innatum est ex fragmẽ-
tis componi, ex athomis in excelsum tumescere,
& tandem dissipari. Magnitudo illa, quam vidi-
stis

ris; diminuta, altitudo depressa, sumptus consum-
ptus, splendidus disparuit apparatus. Sacrum
Phæbo simulacrum violento terræ motu prostra-
tum, nullò venturi sæculi lustrò sublevandum.
Vastatur ampla Iovis Domus, Chrobreticam Co-
lumnarum famam absorpsit irrevocabilis unda, &
Mundi Machina, quotidie quassatur. Omnia tē-
pus consumit, sola gloria BONAVENTURÆ,
cum tempore intercidere nequit. Sacratior Ille
Colossus ignibûs Seraphicis refulgens consurgit,
qui uno nomine virtutum Iliadem complexus, se-
ipsum exemplum Orbi dedit & miraculum. Cun-
stabantur per sæcula propitia astra, (a) antequàm
in tantam influerent indolem, imò non unò im-
pendiò, ut indotes Pandoræ. Altitudo virtutum
ipsa ei nascendi primordia dedit, Orbem in du-
bium traxit, utrùm & quando initium sumpserit.
Vix in lucem editus Divinus Pusio, veluti dives
radiis post nubila Titan non solum natale Solum
Balneoregium, ast totum Orbem beavit splendore.
Veneratur Eum Adriaticum Mare, adorant nomē
populi, procedit in medios fama Ausonidas (b).
Fortuna Eum suis manibûs fovet, amicò comple-
ctitur gremiò, cellos honores appromittens. Ex-
cella Alpium juga, & superba culmina Appenni
acclinantur Infanti. Exundat ultra Lavina lit-
tora Siculum fretum, ut vagienti in Cunis BO-
NAVENTURÆ aut balneas præparet, aut gra-
tò susurrò lentum ferat soporem. O raris ætati-
bûs generādum Infantem! Quicum nascitur, spem
optimam Orbi Latio parit, Patri famam perenna-
turam dedit, si à sanguine non accepit; maximā

B

Paren-

(a) Nativitas. (b) Italia.

Parentum gloriam esse, se majores procreasse natos demonstravit. Consumit alios Colossos lympa lambendo, evertit cum alluit, deturpat cum abluit, **BONAVENTURA** cum sacra Baptismatis circumdatur unda, magis crescit. Cum alluitur resurgit, cum abluitur caliginosis noxæ originalis depurgatur mendis, (c) inter Seraphicos Franciscanæ Religionis ignes candidior surrecturus. Memnonis Statua arridente, etiam Titaneæ vultu in mutum obrigescit Saxum, **BONAVENTURAM** Sole Iustitiæ Illustratum, Pneumate Divinissimo Animatum, gratam Cælo & Orbi virtutum decorumq; harmoniam proferentem observando. Huc oculos, huc mentes convertite quaeso AA. dolendam in rebus Sublunaribus metamorphosin, miremini & videte. Conspirant conjurato fœdere in altitudines, tam virtutis quam molis, stridentes Aquilone procellæ, ut quatiant. In excelsos in Libano Cedros Æolio carcere emissæ ventorum flabra cæco præcipitant turbine, ut evertant. Sæviunt minaci fragore Cyclopea tela in Turres & Colossos elatos, ut deprimant. In gemmantes nitidis floribus hortos agit fortiter æstifer Sirius, ut decoquat. Invida tam gaudijs, quam gloriæ fata, spem Orbis & Urbis cum Nato Infante extinguere conantur; (d) acsi cum inceperit vitam, satis ad gloriam vixisset. Consurgit sæva ventorum rabies structuram Colossi in altum elevari non permittit. Non parcat expensis Mater mæstissima, cujus saucius rodit viscera dolor, in curam morbi non solum opes, sed se solam effundit, ut Mundi totius valetudini in uno Filio possit

(c) Baptismus. (d) Morbo gravatur.

possit subvenire. Concurrunt sagaces Æsculapij,
peritiores festinant Galeni, meditantur nonnisi
BONAVENTURÆ de remedijs, non meden-
tur. Quid est? siccinè vix apparuit BONA-
VENTURA Mundo, ex oculis disparebit? vix
struitur, diruetur? vix consurgit, patietur casum,
& in fatales resolvetur cineres? minimè. Virtute
non mole Colossus est; communi cæteris non sub-
jacebit ruinae. Iacentes Columnæ Scalpris, mal-
leis & limis vexantur, antequàm in altum educā-
tur; BONAVENTURA in tendentia modò pri-
mum ad Colossi magnitudinem, cum morbo infi-
citur, perficitur. Moles virtutum Ejus opprimi,
non obrui potest. Innocentia, inter nocentia fa-
torum discrimina, tuta. Tenellus BONAVEN-
TVRA flecti ut arundo potest, non frangi, etiam
inter malorum decursus bona de se auspicatur vè-
tura. Precibus suis, quas ad Superos fundit Ritela,
(e) ferientia factorum tela avertit ab Infante. Ne
subitâ extinguatur tempestate, totum Seraphico
Ordini devovet. Pijs manibus ad Aram *Francisci* sub-
levavit *Victimam*, ne caderet; ne moriatur, Mundo
mortuum facit. Secundò propè renascitur Puer,
sed secundis avibus, quia semper ad gloriam, ut
Orbis videat, Vocatos in sortem Domini & semel
nasci, & sine miraculo vivere, impossibile. O mi-
raculum! inter fascias mens BONAVENTV-
RÆ obligata DEO, necdum graditur, jam Or-
dinem ingreditur *Francisci*. Quid sit fides? nec di-
cere, nec credere potest, jam eam Superis vovet.
In Cænobio Orbis inter mortales Novitium agit
& Professum in gremio *Francisci*; vel exinde Co-
lossus

Iossus Ignibûs Seraphicis ardens nuncupandus.
Crescit Puer ad magna natus, Cujus pubescens
viriditas ætatis, aurea fertilitas erat, quæ campum
aperuit Indoli ad summum dignitatis fastigium;
& tot luminibûs, quot virtutibûs illustravit. Tan-
tîs splendoribûs à teneris adauctus, (f) ut matu-
ris miracula gestis exhiberet. Nullus Eum gestus
decurrit, nisi quivis ad maxima natum. Ad quem
spectandum confluebant populi, veluti Ausonia
ad Tiberium Titum. Extra ætatem summis par
omnibus, sed quid dico par? imò ipsos Annos,
& Philippi, Pompeij, & Alexandri magnitudinem
superavit. Magnanimo ausu ardua solummodò
prenabat, perfectæ vitæ compendium exhibendo.
Currunt multi audacî passu per juga, per salebras,
perq; discrimina rerum, rident in casum vergen-
tes, ipsi casus è vili flamine tentas non effugi-
unt; ferunt hyblam ore, sed & mentem vendica-
tam astu. Gerunt frontem lucidam, sed pecto-
re fulmina & ignes tacitos tegunt, summa incen-
dia minaturos; Solum **BONAVENTVRAM**
natura omnigenis dotavit dotibûs, sed illis, quæ
optimæ sunt, ut unus dispertitas habere videretur.
Novit perbelle inter Seraphicos Ignes vir-
tute innata eminere, esse proprium, sed sapientiâ,
gloriosum; ad Palladianas Athenas alacer descen-
dit, (g) honestis artibûs secuturis præcludere fa-
ctis, pro maximo sibi proponens. In Scholasti-
ca arena, quicumq; videt **BONAVENTVRAM**,
fortunatum proclamat, & eum felicem ingenio,
cui docendus tradebatur. Lassantur alij studen-
do, **BONAVENTVRA** cum discit, recreatur
& do-

(f) Tenera ætas. (g) Studia.

& docet. Illos per jocum capiebat discursus, quos tandem seriò tractare non erubesceret. Haud ignarus: honestiores Juventutis non esse ludos, quàm illos, quibûs ad seria asvescimus tractanda; & sic in adolescentia ludere consentaneum, ut dignus in senio fructus referatur. Lusus ei erant Palladianæ luctæ certamina, operosâ fronte nunquàm riguos sudoris elicuit liquores, verba cum formaverat, sententias proferre credebatur. Submerguntur alij Aonio latice, & Heliconio absorbentur amne; **BONAVENTVRÆ** non solum per hos, ast etiam Tullianæ Eloquentiæ profundum Sors securè natare concessa, ubi illas suadæ colligebat gemmas, quæ divitis Gangis superabant pretium, in Coronam Ei cessuræ. Fatuos ignes & ficta in ornato sermone, non curabat lumina, nisi quibûs in ævum Colossus arderet. Vincibat mentem Cleantis studiosa solertia, & impiger discendi ad libros provolabat cura, ne unquàm paginas ventilare cessaret, sed ut (b) magis ad lucernam scintillaret, Saraphico Ordini admoveatur. Squallet aliorum animus, obrutus caligine densâ, quoties mente memori multa lustrare conantur, Annorum decades, & vix non sæcula morantur; **BONAVENTVRÆ** modici suffecere quadrantes, nunquàm sub Alexandro de Ales (i) tempus profugum effugisse quærebat. Ipsa Pallas viridem Ei Palmam videbatur cessisse, & omnigenam sciendi referâsse methodum. Quidquid Socratidæ in Argolicis colligere Lycæis, quidquid Divinus Plato vel Zeno togatus impressisse chartis poterant, & quidquid loqvacia Stoæ pro-

C tulere

(b) *Ingressus Religionem.* (i) *Præceptor Ejus in Monasterio.*

tulere atria; **BONAVENTVRÆ** omnia patu-
ère. Solem Doctōrū Augustinum, tam benè in-
pectus conduxit, ut non tantūm Stadiodromos
in una secum arena certantes ad æmulationem
accenderit; ast Professoris quoq; animum illustra-
re videretur, Solem se exhibuit Aliti suo sapien-
tiā supra alios evolanti, quem etsi irretortā hau-
serit pupillā, fontem luminis mirando, non absor-
psit. Sed quid fecisti **BONAVENTVRA** Di-
uinissime? Colossus es quem Orbis Lycæa cape-
re non poterunt, quòmodò Te Minorum Ordo
comprehendet? utiq; Regna excelsis mentibus
ultrò dicantur, multa imperia Corymbos festināt
conferre, quævis Calydon adauget vires Hercu-
lis emeritum caput cinctura, & Apollinem Del-
phi deponunt; Magnis magna placent, Tu infi-
ma petis. In umbris Religiosis, quòmodò arde-
bis? in stricta Observantia ardebitur magnitudo,
altitudo inter humilia deprimetur. Non terrent
proposita pericula **BONAVENTVRAM**, nec à
 proposito perseveranti semovent. Cæpta tenet
tenax, nec solutam à littore navim in medio de-
serit mari. A cunis electam ingressus Religio-
nem, gloriæ magnitudinem non arctavit, imò fe-
cit maiorem, Colossus etiam in puteo Colossi
nomen non amittit. Pigmæus in culmine mon-
tis centimanum Gigantem non excedit, sub mo-
dio candela non extinguitur, ignis profundis ter-
ræ visceribus inclusus, in altum erumpit. Colos-
sus **BONAVENTVRA** in Alverni monte hu-
militatem professus, ut altius resurgeret sub alas
Francisci celeriori accurrit passu, ut illis, ignis Se-
raphi.

raphicus in cunis adhuc pectori inclusus sufflare-
 tur. Nomen cathalogo, simul & perennantibus
 gloriæ fastis inscripsit. Candorem nigricante ve-
 ste induit, ut ab oppositis clariùs elucescat. Silē-
 tium spondit, vocalis toto Orbe proclaman-
 dus. Grassatur pestis in omnes, affigit & affligit
 lectis alios, Colossus BONAVENTVRAM & si
 totus labatur Orbis, non feriunt ruinæ. Cum
 ad infima Fratrum obsequia demittitur Maximus,
 (k) ultrà Cœlos effertur. Æternitati Trajanum
 involvit purpura, quâ cœsorum satellitum invol-
 vebat cicatrices, BONAVENTVRÆ ipsa æ-
 grotantium vulnera immortale Elogium fusô san-
 gvine præscribunt. Expolitus pulvere Scholasti-
 co Colossus BONAVENTVRA, igne amoris
 erga Deum & proximum accensus, ad thuricre-
 mas Divorum Aras situatur, (l) Hic robur & e-
 minentia videatur Colossi, ubi ad Primitias tre-
 mendi Sacrificij solidas Briariorum Vires exce-
 dit. Olympum Cœlorum bajulum superando.
 Quem Cœli capere non poterant, Ille suis mani-
 bû in altum levavit, cum quo ingens terrarum
 pondus, Cœlorumq; machina sublevata. Igne
 alij consumuntur Colossi, BONAVENTVRA
 Igne Consumente DEO, intus & extra circumfusus
 accenditur, non consumitur; vel exindè quidni
 & Seraphicis ignibus ardens confirmetur. Non
 sola vetustas superstitionis simulacris Panchæa thu-
 ra dabat, etiam Noster Colossus, flammis adole-
 scit Sabæis, mirum odorem Mundo & Cœlo pro-
 laturus. Doctoralis laurea sublimem sapientia
 verticem, (m) ambire exambijt, Colossus igni-
 bus

C 2

(k) Agrotis inservit. (l) Sacerdos factus. (m) Promotus Parisijs.

bûs ardentem triumphalem redditura. Parisien-
sium Doctorum Annulus in Orbem mutatus di-
gitum BONAVENTURÆ, axem sui habere ex-
poscit, qvô æternitati fuerat desponsandus. Se-
ptimô Religiosæ ætatis consummatô Annô Vir
in scientijs ut octo evasit perfectissimus; Orbis
Magistram Laurearum sæcundam Matrem Sor-
bonâ erudire cæpit. Vbi qualis quâtusve Professor
suo munereungebatur, ex *Libro Sententiarum* luci
publicæ exposito (n) Orbis sensit, multorum sen-
sus, antequam profunda perceperint scrutinia, fa-
tigati. Seraphicus Discipulus Seraphicè docuit,
doctrinâ Seraphicâ suprâ Cœlos evolavit; à quo
ipsæ Cœlestes intelligentiæ discere cupiebant. For-
tunârunt Cæsarum Annos Ausonij, non tamen
beavêre in ævum, delectavit Pyrrhum ore Cy-
neas, non satiavit. Extingvere stragibûs Orbẽ
erudivit Sophorum Princeps, Pellæum Iuvenem,
non Cœlos possidere. Beatiores BONAVENT-
TVRA Seraphici Iuvenes, quorum adeò labo-
re suo expolivit animos, ut omnium specierum,
acsi speculum, extiterint capacissimi. Ex *Libro*
de Sapientia Æterna sapientissimè collecto, nihil nō
Divinum, nihil non sublime sapere studuerunt.
Viginti Passus ad virtutem virtuosâ decempedâ,
Doctoris emensi, singulos, totumq; Discipulum
Orbem de virtute in virtutem procedere ani-
mabant, quibûs Ipse ad culmen honoris pervē-
turus. *Infantis DEI* eruditâ manu calebrata *Festa*
maturam CARDINALIS gloriam in ævum ce-
lebrabunt. *Elingve Verbum* disertô calamô prola-
tum, vocale Nomen SCRIPTORIS æternitati pro-
clama-

(n) *Libri ab Eo scripti.*

clamavit. *Sanctimoniam Vitæ* SERAPHICI PATRIS in libris & Se ipso expressit, ex cinere suscitavit Phœnicem, ut & vivum prototypum sibi haberet, & Orbi exponeret ad legendum. Cujus ignibûs quod refulgeat Colossus, haud immemor beneficij, quomodo Parentes in Filijs debeant vivere, cum dederint vitam, & quomodo possint immortales esse, demonstravit, *Sanctus pro Sancto laborando.* (o) Aquinatem adæquavit ingenio, pietate imitatus, uterq; Doctorali laureâ; Ille Angelicâ, Hic Seraphicâ redimitus. Soles Ecclesiæ si nominaverim, non errarem, in neutro ardor, à charitate non secernitur, unus clariùs, alter ardentius scripsere. Sub uno Doctore Christo studuere, ex uno suggestu Crucis lectionem audire, hac in Bibliotheca profecerunt. Ex ea Palæstra BONAVENTURA prodijt, ex qua Pallas prodire, gloriosum putaret, quod plurima volumina scripsit non mirandum. INCARNATA SAPIENTIA, ut Se plenius infunderet calamo Doctoris, tot fontibûs scaturijt, quot aperta vulnera parent. *Liber* intus & foris scriptus, ne profunda arcana BONAVENTURAM laterent, exposuit se in Cruce legendum. Non hic magnitudo terminatur Colossi, adaugent splendorem scientijs, illustriores honorum tituli, quos ad se virtutibûs & meritâs allexit. Deduxerunt Monstra Herculem ad gloriam, Pyrrhum prælia, ad Epirotharum Regnum, Iasonem fluctus ad aureum vellus; BONAVENTURAM ad augem dignitatis, probitates & scientiæ extulere. Hiabant Insulæ fatigatæ concursu ad emeritam frontem,

D

aperto

(o) Divi THOMÆ AQUINATIS de Eo verba.

aperto semper ore fatigabant Superos, ut quanto-
 ciùs BONAVENTURÆ capiti insilire vale-
 rent. Sidonio murice tinctæ purpuræ, aliorum
 supererminent lacertis; Illius substernuntur plantis,
 maximum honorem exindè, si acceptentur, habi-
 turæ. Quibus, si non suscipi, calcari saltem ab Il-
 lo, non inglorium erat. Fortunatius se vidit a-
 liis dignitatibus Ministerium Generale, (p) cui
 primò BONAVENTURA obediens inclinatus;
 maximum in Seraphico Ordine honorem, Majo-
 rem fecit, cum spontè suscepit. Aliter namq; e-
 minere noluit, nisi se ad omnium obsequia demit-
 tendo. Subditum in Præsede egit, cum iussa pri-
 us præstaret, quàm imperaret, eò solùmmodò ser-
 vò major, quòd omnibus præiverit exemplò; quò
 ut Magnete trahuntur subditi, ad cuncta optima
 peragenda, hanc sibi omnes eundum intelligunt,
 quàm Princeps præcessit, nec expectât imperia, cum
 actis præeuntibus moneantur. Titan honor est,
 quem virtus Aurora præcedit, multi eum seqvun-
 tur, ac si Numen quoddam venerantes, cujus splē-
 dorem non uni videre concessum, paucis tamen
 illò gloriari. BONAVENTURA ignibus Sera-
 phicis refulgens Colossus, Solem ejusmodi nec vi-
 dere, nec eo potiri exambit. Contemptus hono-
 ris honor ei maximus est, & per calcatos incedere
 fasces, eminentia. Exponitur Eboracensis Cathe-
 dra Ministro Generali, sed hōc ipsō non celebris,
 quia spreta ab Eo, (q) qui semper recenti memo-
 riâ tenuit: eos, qui ad purpuram lacertos extendūt,
 plerumq; inferiores demonstrari. Abnegatio ho-
 noris non rarò magnitudinis argumentum. Sed
 vide

(p) Minister Generalis factus. (q) Episcopatum Eboracensem recusat.

vide, quid agis **BONAVENTURA**? collē aggredi vereris, Olympus honoris exponitur ad ascensum. Inferiora dignitatis respicis insignia, cui majora parantur. Tiaram fugis, Romanam purpuram sequacem habes. Luctabitur Tecum honoris robur, donec Cardinalitio Caput acclinaveris Galerō, ut despectum locum Infulæ occupaverit. Concessit victoriæ, quod sibi humili fastidiō negavit, admisit purpuram infestam, Gregorij decimigratiā & instantiā meritorum. Trāsfertur ex Mōte Alverni in Vaticanum Sanctior Colossō Apollinis in Capitolio, ex Apollonia à Lucullo translato. Cardinalis creatus feliciter (r) fortissimus Rotæ Cardinalitiæ cardo, cum purpura sollicitudinem de Republica induebat, illi salute sua in mille pericula, projectā securitatem comparando. Sat illustris ex se Cardinalitius Murex, sed illustrior, cum virtutum ad eum accesserint fulgores. Gēma inseritur annulo, ut pretiosior fiat, Cardinali Archiepiscopatus Albanensis confertur, ut Colossi magnitudo adæquetur. Tantis cumulatus honoribus **BONAVENTURA**, cum nihil fortunæ deberet, virtuti totum tribuebat, ut & virtuti daret pretium, & fortunam stabiliret; siquidem cadit fortuna, nisi virtutis robore fulciatur. Opu-
lentiam, quam Illi advexit felicitas, Ecclesijs tributariam fecit, (s) eamq; expertus nec sibi nec suis Clientibus defuisse. Nunquam domi egere visus, qui foris distribuit opes, ubertatis signum est, si arboris fructus, extra septa sua protendatur. In felicitate, quā affluebat, felicem se ignoravit, feliciorē depressum judicabat, quā qui suprā cæ-

D 2

teros

(r) à Gregorio X. (s) Opes in pauperes distribuit.

teros elevatur. In totum Orbem extēditur BONAVENTVRÆ gloria, (t) cū unionem gēmeus inter Orientalem & Occidentalem Ecclesiā componeret prudentissimē. Duram Græciam in suo proposito fregit, ad iura pacis coegit, partes tam fide quā Orbe dispertitas uniendo. Sed ah dolendum! inter triumphos Latiae Urbis & lætos Orbis applausus Cythara in luctum mutatur. Quasi satus immortalibūs factis, lethali opprimitur morbo BONAVENTVRA, non tamen cessat ignibūs Seraphicis ardere. Quem Sol Mysticus DEVS illustrat, cui cū infirmitas occluserit oris ostium, miraculosē pectori illapsus, ut magnitudinem Colossi jacentis confirmet, quod totum Orbem Eucharisticum in pectore comprehendat. Pacatum Orbem fecit, antequā moreretur, ut à toto etiam prostratus miraculum videretur. Tempus victores probat, non pugna, Anthæi vires adaugent, dū cadunt, Sanctorum ac Solis idem munus est, post occasum etiā virtutū splendore allucere. Ab Vrbe licet recessit, vivit tamen in pectore Civium BONAVENTVRA; illis semper favore suæ naturæ arrisurus. Ad Ecclesiæ utilitatem vixit, pacta fidei vitā conclusit, morte confirmavit. Cœlo divitias expendit, animam Superis in victimā reddere non moratur. Casu suō Gentes commovit ad mærorem, summum Orbis collem cū attigit cadendo. Petram Ecclesiæ tam gravī pōdere oppressit, ut ex ea lacrymarum lymphas hoc est ex Gregorij Decimi oculis elicuerit fluentes. Ex multis Capitibus Colossus BONAVENTVRAM vidistis AA, nunc tandem ex uno illius,

(t) In Concilio Lugdunensi.

lius, quod ipsa fata temerare non ausa, compro-
bate. Cuncta edaci temporis dente atteruntur,
unicum BONAVENTURÆ Caput durius ada-
mante est, (u) in quo ipsa æternitas crinem læ-
dere, crimen magnum arbitratur. Sepultus ignis
in cinere viget; BONAVENTURÆ Collum Sera-
phico igne imbutum, mortalibus suppositum fa-
villis in sæcula resplendet, ut Eum Colossum
ignibûs Seraphicis confirmet refulgentem.

Patere igitur, qualem Te venerabundâ expo-
sui svadâ DOCTOR Divinissime. Colossum.
Te dixi, magnitudinem tamen non attingi, suprâ
quàm meritis sublimaris. Laudes Tuæ, quibus i-
ta posuisti principium, ut finem sæcula non ap-
ponerent, Oratorum spiritus fatigant, ingenia su-
blimitate sua excedunt. Colossus quidem Sera-
phicis ignibûs Refulgens ex hoc suggestu Orato-
rio prominebas, igniculos Oratoris in plausus
Tuos ardentis disparere fecisti, splendoribûs Tuis
contentus. Esto ergò Seraphicæ *Francisci* Religi-
oni triumphale Septizonium, in quo immortales
suas Corymbos, quibûs Orbi redimita prominet,
æternitati appendat; & basim fortissimam age, in
qua benè posita nullò instantium fatorum impe-
petu moveatur. Sarmatico Orbi firmissimus
exponaris Atlas, Te sibi ad nutus quosvis po-
scenti, cujus humeris innixus nunquàm in fune-
stos malorum prolabatur casus. Iagelloneum
Academi Lucum, meritum splendore ab igni-
bus Seraphicis accepto illustra, ab eo velut a-

E

gmine

(u) Caput 160. Annis post mortem integrum.

gmine factô conspirantia adversantium nubila
dispergendo. Tene Trinas Filia Regum Craco-
viae Turres, ne graviter ruant, & ne sine fortu-
nae abundantia inter semiruta mœniorum
tectâ relinqvantur; ut eô ipsô Co-
lossus Seraphicis ignibûs refulgens
ab omnibus videaris, qvalem
Te hucusq; probavi

E T

D I X I.



ila
co-
rtu-



11